

亳州志

竹集

選舉志卷七

進士 舉人 貢士

保舉 恩賜 武科

將材

人物志卷八

帝王 名賢 宦績

武功 忠烈 孝友



亳州志卷之七

選舉志

古者取士於學校今之選舉猶古之遺也
第寥寥亦地氣使然然風氣有轉移安知
者不接迹耶至由成均及武科入仕者其
家任用則一焉以選舉志為第六

進士

唐可考者二人

李

紳元和間進士累官同中書門下平章事
進尚書右僕射封趙郡公

奚陟 大曆間進士官至刑部侍郎又遷吏部侍郎

可考者七人

張復古 官至工部侍郎自為監司

張復本 官至參知政事

張復古 官至工部侍郎自為監司

張復古

張復本

張復古

張復本

金 可考者一人

王賓 貞佑二年進士官至同知集慶軍

明

秦亨 洪武四年辛亥科官御史

薛蕙 正德癸酉鄉試中第四名甲戌聯捷官至吏部考功司郎中贈太常寺少卿

賈三策 萬曆五年丁丑科官工部主事

李國士 萬曆五年丁丑科官至山西左布政

夏之臣 萬曆十一年癸未科官湖廣監察御史

王之屏 萬曆二十八年戊戌科官永平府推官

薛邦瑞

天啓四年壬戌科官浙江水利道

舉人

金

劉瞻

天德三年南榜舉人

明

李英

建文元年己卯科官日照縣教諭

李恂

末樂元年癸未科官兵科給事中

歐陽迥

官監察御史

劉末

官韓城縣知縣

舊志李英作洪武二十二年李恂歐陽迥
 劉末三人皆作洪武三十五年按洪武止
 三十一年建文四年至末樂削去建文年
 號并於洪武共三十五年其年係壬午以
 兵興未鄉試至末樂元年癸未補行時已
 改元豈猶仍洪武年號耶通志載末樂元
 年癸未科王仲壽等全數一百四十五人
 有李恂名而無歐陽迥劉末惟洪武二十
 六年癸酉科全數無考或係是科非癸未

耳

盧昂 正德八年癸酉科官延安府同知

周尙文 嘉靖十年辛卯科 嘉靖十三年甲午科官臨江府推官

劉佩 嘉靖十九年庚子科

丁意 萬曆四十年壬子科

于鴻漸 萬曆四十二年乙卯科

雅元聲 萬曆四十年壬子科

馬光國 萬曆四十二年乙卯科

因制

吳楚奇 康熙四十一年壬午科解元

陶栻 康熙五十九年庚子科

張鯤 雍正十年壬子科

孟衍仁 乾隆三年戊午科

外籍舉人

田穎 鹿邑籍

殷震 歸德籍康熙己卯科河南解元

貢士

明

選舉貢士

張定

洪武十二年歲貢官至山西左布政

米堅

洪武三十年貢官監察御史

陳福

官階州知州

張義

官大同教授

張魯

未樂七年貢官工部主事

王拱

盧慎

張昇

李士美

官陽曲縣主簿

程思端

官南和縣縣丞

趙直

張平

雷同

官聊城縣縣丞

呂順

周節

周進

黃政

張鵬

正統三年貢官成都府教諭

張瑩

正統七年貢官臨縣訓導

董策

正統十一年貢官城武縣知縣

賈敏

官興化府同知

劉本

正統十三年貢官主簿

潘瑾

景泰元年貢官主簿

仵玳

景泰二年貢官夏津縣主簿

王

緇川縣縣丞

瞿彬

景泰三年貢官主簿

張贊

景泰四年貢官主簿

劉信

官高陽縣縣丞

宋璉

景泰五年貢官冀州吏目

盧宏

官衛經歷

袁泰

官肥鄉縣教諭

蔡茂

官巴縣訓導

仵智

高嵩

官府經歷

王宣

程清

亳州武平衛貢官浦城縣縣丞

蒲松 武平衛人

王瑜 武平衛人衛經歷

何淵 官代州同知

董政 衛經歷

朱珊 武平衛人官高密縣主簿

焦奉 武平衛人官屯留主簿

趙鏞 官府知事

權鑑 武平衛人

郭璟 官建安縣縣丞

李鐸 官蕭山縣縣丞

董恕

史敏

張紀 官龍泉縣主簿

董恩 官府檢校

董成 官清川縣主簿

董衍 官衛經歷

董英

董德 官衛人

卷之七 武平黃士

張璽 弘治九年貢官真陽縣知縣

宋宏 弘治十年貢武平衛人

權縉 弘治十一年貢官黃陂縣主簿

陳敬 弘治十二年貢官主簿

李智 弘治十三年貢

趙仕清 武平衛人弘治十四年貢官典儀

李緒 武平衛人弘治十五年貢

許誠 弘治十六年貢官州吏目

李綸 弘治十八年貢武平衛人

王浩 正德元年貢武平衛人

汝清 正德十二年貢官歸安縣縣丞

劉瑩 官新安縣知縣

楊福 官任邱縣縣丞

高鉉 官府檢校

郭盤 官臨淄縣縣丞

陳繡 官府知事

李价 正德十五年貢官房縣知縣

周舉 官府通判

李蘭

官慈利縣縣丞

李鉞

官盧氏縣主簿

周暘

官新安縣訓導

石威

官平湖縣縣丞

高鼎

官府學訓導

馬愷

嘉靖三年貢官堂邑縣知縣

楊茂

嘉靖六年貢

段九疇

嘉靖八年貢

楊蕙

嘉靖十一年貢官汶上縣縣丞

張鳴鳳

周仁

嘉靖十三年貢官平度州同知

林義

嘉靖十八年貢官河內縣訓導

陳階

嘉靖二十年貢官湖口縣訓導

李儒

官商河縣知縣

李章

官遂昌縣知縣

董紀

閻寶

任奎

嘉靖二十一年貢官金鄉縣知縣

趙傑 嘉靖二十二年貢官房縣知縣

趙信 嘉靖二十三年貢

楊初

仵征 嘉靖二十四年貢

任堪 官城固縣知縣

黃訓 官臨淄縣縣丞

張松

權紹

鄒綸 嘉靖二十八年貢

侯輔

王倫 嘉靖二十九年貢官府訓導

李縉 嘉靖三十年貢

徐聰

楊大樂

王佑

李嘉祥 嘉靖三十五年貢官深州訓導

李得中 嘉靖三十七年貢

王建極 嘉靖三十八年貢

任禮

嘉靖四十年貢

劉芝

嘉靖四十一年貢

張相

嘉靖四十二年貢

劉夢徵

馬雲衢

張偉

隆慶三年貢

楊應曉

官永寧州知州

王守一

劉繼芳

支柱

田路

孟希曾

王迎

劉任

李邦采

柴燧

張鵬舉

官富陽縣知縣

張燦

官知縣

羅濤 官涉縣知縣

劉應奇

楊三遷

支守教 官教諭

陳大謨

秦鵬九

宋尙德

張雲翼

趙思明 官知縣

李聯芳 官教諭

陳大典

許佐 官教諭

郭民勸

李重光

李允申

劉體坤

岳惟藩 官州判

楊光國 官主簿

馬應期

官教諭

鄭芝

官教諭

周如砥

官教諭

楊光宙

官教諭

劉應甲

官教諭

孫嘉策

官訓導

董甲元

官訓導

彭紹先

官知縣

趙守愚

劉芳聲

官訓導

宋時藩

支汝上

趙默

柴燦

王寰洽

官知縣

孫養粹

孟希明

周泰和

官滁州訓導

顧爾言

張夢庚

丁奇逢

官訓導

李重輪

劉起

李重潤

郭玉鉉

官訓導

任之俊

孟希阜

李起家

趙簡良

趙然

李應陽

高搏九

副榜

王景旦

梅馥羹

阮維緒

陳養文

明例貢

郭璉 官真定府通判

李鳳 官延安府主簿

劉準 官衛經歷

職輔 官鴻臚寺序班

郭鎔 官順義縣縣丞

黃宥 官苑馬寺監正

鄭滋 官緡雲縣主簿

黃講 官萊陽縣縣丞

楊伯謙 官偃城縣知縣

王遜之 官澂江府通判

程詔 官府照磨

楊宦 官府經歷

崔梯 官遂平縣知縣

楊濬 官衛經歷

尙樸 官遼溪縣主簿

楊位 官縣主簿

薛街 官京衛經歷

賈應坤 官縣主簿

宋淵 官縣丞

楊倬 官州同

李文友 官光祿寺署丞

崔位 官太醫院

李和卿 官鴻臚寺

周道隆 官縣丞

李文幟 官光祿寺署正

薛鳳翔 官鴻臚寺少卿善書

賈文燦 官鴻臚寺

李天秩 官鴻臚寺少卿

宋末泰 官鴻臚寺少卿

王廷詔 官鴻臚寺序班

國朝選拔 明不可考

蔣旭 康熙二十四年丙寅科官雲南蒙化府同知

段麟彩 康熙三十七年巳卯科

洪紹濂 雍正七年巳酉科

姚天爵 雍正十二年乙卯科

國朝貢監

趙維屏

官通判

李陶寰

官蕭縣教諭

蕭士俊

官揚州府教授

張闇然

六合縣訓導再補礪山以特
慶府教授
題陞安

賈國垣

明文止

官安仁縣知縣

劉名馨

黃陞

項城縣知縣陞茂州知州

劉夢蛟

孟珣

王毓雅

官知縣

宋嵩

官巴陵縣知縣

王健

方鳴

歲貢

賈國藩

張琦

孫士賢

監生官撫寧縣知縣

李洪

監生官新建縣縣丞

許如璋

歲貢

劉慧

恩貢

顏欽先

恩貢

馬玉相

官興化縣訓導

薛天成

官華亭縣訓導

劉恩沛

歲貢官行人司行人

顏坦

顏怡

孟起貞

歲貢

楊逢春

閔廷璉

謝梅

歲貢

李末滙

歲貢

李起綸

周培

丁元震

賈嶸梓

萬方涵

歲貢官福泉縣訓導

賈嶸楸

郭欽

陳王道

劉湘灘

朱際盛

歲貢官績溪縣訓導

蔡聞

顏伯璜

支魁璧

李長年

歲貢

姚之嗣

張捷

候選州同

劉宴

官山陰縣知縣

孫永純

歲貢

王玫

歲貢

李文炯

官上杭縣縣丞

李文燁

以州同官徐州州判事乾隆元年卓異保舉

戴錦瑄

歲貢

高得仁 歲貢

張養聖 歲貢

保舉

孫國柱 官閩清縣知縣

外籍貢生

劉世沛 商邱籍歲貢尉氏縣教諭陞貴州安化縣知縣補廣東吳川縣知縣

李醇 商邱籍拔貢

吏員

明

趙亮 官至撫州府知府

王臻 官府知事

徐科 官縣丞

支珣 官日照縣縣丞

國朝

黃融庵 官紹興府經歷

汪文輝 官蕭縣張山店巡檢

恩勉

明

王真 以子瑜所任封衛經歷

楊銳 以子璿所任封衛經歷

薛鑑 以子蕙任吏部主事封承德郎

盧廣 以子昂任知縣封文林郎

李杞 以孫國士任山西左布政封資政大夫

李虎山 以子國士任山西左布政封資政大夫

賈鑄 以子三策任工部郎中封中憲大夫

薛先春 以子邦瑞任浙江溫處道封中憲大夫

國朝

楊履道 以子加左都督封榮祿大夫

顏嘉慶 以曾孫光昨任福建總兵封榮祿大夫

顏文祥 以孫光昨任福建總兵封榮祿大夫

顏伯寧 以子光昨任福建總兵封榮祿大夫

黃兆禎 以子陞任茂州知州封奉直大夫

孫明陞 以子士賢任撫寧縣知縣封文林郎

劉承明 以長子世沛任吳川縣知縣封文林郎

孫應隆 以次子恩沛任行人司行人封文林郎

劉恩沛 以子國柱任閩清縣知縣封文林郎

孫士秀

以子應琦考授州同封儒林郎

孫應麟

以孫元燦考授州同封儒林郎

李廷學

以孫文熾任肥城縣千總封昭信校尉

季末貴

以子秀任霍邱汛千總封昭信校尉

孫國校

以子元燦考授州同封儒林郎

李長桂

以子文煌任徐州州判封武畧將軍

李注

以子考授州同封儒林郎

閻之彬

年九十乾隆元年以年恩賜八品頂

顏光洙

年八十乾隆元年以年恩賜八品頂

明

武進士

周文玠以子天福任福建諸羅縣縣丞封修職郎
李國輔以子成邦任同安營都司封明威將軍

周應禎

官浙江都司贈本衛指揮僉事

楊縉

官至總兵

薛邦禎

由廩生改武官至雲南副總兵兼管學

國朝

韓斌

順治辛丑科官福建興化守備

楊光斗

康熙庚戌科官守備加左都督

韓佐

康熙甲戌科

鄧洪範 康熙丁丑科

顏光旰 康熙庚辰科官至福建總兵

武舉人

明 科分不可考

燕 鸞

周尚章

楊三檢

劉應乾

鄧繼武

仵維揚

權可道

方元柱

方元標

官瀏河守備

薛邦柱

國朝

劉 忠 順治戊子科官至鄆城守備

呂又愷 順治丁酉科

顏伯寧 康熙壬子科

顏光普 康熙戊午科

李弘化 康熙辛酉科

孫大猷 康熙辛酉科

王 鑑 康熙庚午科

孫應隆 康熙己卯科

顏光旻 康熙己卯科

袁 戎 康熙乙酉科

袁 相 康熙乙酉科

袁 栢 康熙乙酉科

修 靖 康熙乙酉科

李長桂 康熙戊子科

修 身 康熙庚子科

崔如璋 康熙辛卯科

李文熾 康熙庚子科任肥城縣千總

修士宏 雍正癸卯科

李沛 雍正癸卯科

蓋良棟 雍正乙卯科

王巍 雍正乙卯科

劉淳 乾隆丙辰科

穆以燿 乾隆丙辰科

修士元 乾隆戊午科

蔣材

何國安 任亳州營千總

翟儀 任太和縣左

顏紹周 以蔭任蕭縣都司

牛任 任把總

劉復初 任宣府都司

明月輝 任陝西

李成邦 任福建臺灣鎮標右營遊擊

亳州志卷之八

人物志

人才不擇地而生亦地氣之靈有以鍾其秀或聖賢應運而興或豪傑乘時而起或以德業著或以文藝傳或身隱而道彰或時窮而節顯以至方伎有神奇之蘊婦女標貞烈之名皆得人物槩之因各分條目而係其事以人物志為

第七

帝王

帝王世紀惟史書首載入郡志者鮮矣以帝王
自有一代史書不關郡事自疆域以外皆所不
越而況在天下者乎顧成湯受命實此亳都曹
氏肇基由於譙邑以土著之人物論亦所不宜
略也

高辛氏繼顓頊爲天子建都於亳名曰帝嚳以木
德王色尚黑作六英之樂普施利物不私其身
聰以知遠明以察微順天之義知民之急仁而
威惠而信修身而天下服在位十七年壽九十

有九葬於頓丘子摯立荒淫無度不修善政在
位九年諸侯廢之尊唐堯爲天子都平陽

商湯皇帝之後姓子氏初帝嚳次妃簡狄祈於高
禪有玄鳥之祥遂生契契事唐虞爲司徒有功
封於商數傳至主癸娶扶都氏生湯自契至湯
八遷始居亳從先王居作帝誥爲夏方伯得專
征伐夏桀戊寅三十有六歲葛伯不祀湯始伐
之是時伊尹耕於有莘之野湯使人以幣聘之
五反然後從湯言素王及九主之事湯進伊尹

於桀桀不能用伊尹醜夏復歸亳桀殺直臣關龍逢群臣莫敢言湯使人哭之桀怒囚湯于夏臺已而得釋湯出見野張網四面祝曰自天下四方皆入吾網湯曰嘻盡之矣乃去其三面祝曰欲左左欲右右不用命者乃入吾網諸侯聞之曰湯德至矣澤及禽獸况於人乎歸之者四十餘國當是時夏桀虐政淫荒諸侯昆吾氏爲亂湯乃興師率諸侯伐昆吾遂伐桀桀敗奔于鳴條湯歸自克夏至于亳作湯誥誕告萬方是

時三千諸侯大會湯取天子之璽置之于座再拜從諸侯之位曰天下非一家之有也惟有道者宜處之湯三讓諸侯皆推湯然後湯卽天子位改正朔以建丑爲正月改歲曰祀以水德王色尙白都于亳二十有一祀大旱發莊山之金鑄幣賑民二十有四祀大旱太史卜曰當以人禱湯因自當遂齋戒剪髮斷爪禱於桑林之野祝曰無以予一人之不敏傷民之命以六事自責曰政不節歟民失職歟宮室崇歟女謁盛歟

苞苴行歟讒夫昌歟言未已大雨方數千里歲則太熟天下歡洽遂作桑林之樂名曰大濩三十祀湯崩壽一百歲子太丁未立先卒伊尹乃立嫡孫太甲太甲顛覆湯之典刑伊尹營於桐宮使近湯墓居憂三祀悔過允德冬十有二月朔終喪伊尹以冕服奉王歸于亳七傳至仲丁遷都于囂

魏武帝姓曹名操字孟德沛國譙人桓帝時曹騰爲中常侍封費亭侯養子嵩或曰夏侯氏之子

嵩生操少機警有權數而任俠放蕩舉孝廉守濟南除殘去穢爲強豪所忿恐致禍以病還於譙東五十里築精舍秋夏讀書冬春射獵後徵爲都尉遷典軍校尉會董卓廢靈帝爲弘農王而立獻帝擅權行暴初平元年袁紹張邈鮑信等十人同時起兵討卓卓聞兵起乃徙天子都長安自屯洛陽卓兵強紹兵寡故先進操曰兵以義動遲疑不進失天下望邈等不聽操乃還河內初平二年袁紹表爲東郡太守三年司徒

王允以呂布殺卓卓將李傕郭汜等殺允攻布
劫帝于北塢擅朝政青州黃巾衆百萬人入兗
轉入東平鮑信等迎操爲兗州刺史進兵擊之
破降黃巾三十萬衆興平二年長安亂天子東
遷韓暹楊奉專用威命以天子還洛陽奉別屯
梁操征奉奉南奔建安元年操以洛陽爲國都
迎獻帝都許至是宗廟社稷制度始立以操爲
大將軍封武平侯復拜司空袁術僭號於九江
建安二年操征之殺其將橋蕤等術奔發病道

死三年迴兵破呂布殺之袁紹兼四州之地精
卒十萬將進攻許七年操軍官渡殺紹將淳于
瓊紹衆大潰棄軍走九年敗袁尙遂入鄴領冀
州牧十三年爲丞相南征劉表表卒表子琮降
劉備備救之戰不利兵東下孫權將周瑜魯肅
迎擊于赤壁敗還許昌軍至譙作輕舟治水軍
開芍陂屯田十五年作銅雀臺于鄴十八年封
魏公加九錫十九年進位諸侯王上弒伏后及
皇子二人二十一年進爵爲王二十二年擊孫

權降之稱臣于魏侍中陳郡等皆勸進操曰若天命在吾吾爲周文王矣十五年還至洛陽卒年五十六子二十五人二十五年子丕受漢禪追謚武皇帝廟號太祖初嘗詣許子將令許已子將曰君治世之能臣亂世之奸雄也操大笑引爲知己後人亦以此爲定案云

文帝名丕字子桓操長子八歲能屬文建安十六年爲五官中郎將二十二年立爲魏太子操薨嗣位爲丞相魏王延康元年封子叡爲武德侯

以鄭稱爲傳治兵於東郊遂南征孫權遣使奉獻蜀將孟達率衆降武都氏王楊僕率種人內附軍次于譙大亨于譙東還受漢禪升壇卽祚改延康爲黃初元年奉漢帝爲山陽公初令郡國口滿十萬者歲察孝廉一人其有秀異無拘戶口以孔羨爲宗聖侯奉孔子祀令魯郡修其宗廟拜孫權爲大將軍封吳王加九錫初復五銖錢又以穀貴罷五銖錢三年二月鄴善龜茲于闐各遣使奉獻是後西域遂通置戊巳校尉

孫權破漢兵於夷陵初帝聞漢兵東下曰備不
曉兵豈有七百里營可以拒敵者乎苞原隰險
阻而爲軍者爲敵所擒此兵忌也後十日吳捷
音至立太廟制五經課試之法置春秋穀梁傳
士有司以公卿朝朔望日因奏疑事聽斷大政
論辨得失十二月詔曰先王制禮所以昭孝享
祖大則郊社其次宗廟之神五行名山大川非
此族也不在祀典自今敢設非祀之祭巫祝之
言皆以執左道論六年遣使者巡行許昌以東

盡沛郡問民所疾苦貧者賑貸之帝爲舟師東
征築東巡臺幸廣陵臨江觀兵戒卒數十萬旌
旂數百里大寒冰道不得入江乃還七年崩年
四十初帝好文學以著述爲務自所勒成垂百
篇又使諸儒撰集經傳隨類相從凡千餘篇號
曰皇覽生九男

名賢

聖賢之生不偶故一郡邑中槩稱人物者多有
之而名賢難得今考江南人物志商周間所列

名賢僅五人而老子與焉乃廣輿諸記鑿之以仙釋何不倫耶特從通志正之

老子姓李名耳苦縣人字伯陽諡曰聃爲周柱下史孔子曾問禮焉老子曰良賈深藏若虛君子盛德容貌若愚孔子退曰老子其猶龍乎後乘青牛車去至函谷關關令尹喜曰子將隱矣爲我著書乃述道德經上下篇五千餘言而去莫知所終

史記云李耳苦縣人晉改谷陽隋改仙源唐改真源宋省入鹿邑今雖屬河南寔亳西境接壤而老子之母則居亳東境流星園老子寔從此地誕生後遷苦縣是以老子爲亳人非牽附也

宦績

自一命而上必出其所學而有功業著于時乃不虛名位如以富貴夸耀閭里何足道哉因叙宦績如左

魏

夏侯惇字元讓譙人少卽以烈氣聞魏武初起惇
爲裨將從征呂布爲流矢所中傷左目後領陳
畱濟陰太守加建武將軍時大旱蝗惇乃斷太
壽水作陂身自負土率將士勸令種稻民賴其
利文帝卽位拜大將軍惇雖在軍旅持身清儉
有餘財輒以分施卒諡忠侯

晉

曹攄字顏遠譙國人爲臨淄令縣有寡婦養姑甚
謹姑以其年少令改適婦守節不移姑憫之密
自殺親黨告婦殺姑婦自誣服攄至得其情釋
之獄有死囚於歲夕暫放回皆如期而至爲襄
城太守時屢經寇難攄緩懷振理旬月尅復未
嘉中爲征南司馬討賊戰沒

桓宣譙國銓人仕爲丞相舍人時張平樊雅負固
各據一城元帝以宣與之同里轉爲後叅軍使
就之平雅卽遣使隨宣受節制後更宣爲都督
司梁雍及荊州之本郡襄陽新野南鄉軍事甚
有稱績

北朝

夏侯恭叔譙人桓崇祖爲豫州聞其才辟爲主簿兼書翰齊高祖卽位方鎮奉表賀王儉啟崇祖表曰恭叔辭也爲竟陵令木生連理咸知其善政所致

夏侯詳字叔業譙郡人年十六父喪廬墓三年有雀三足集其廬人以爲孝感所致服闋刺史殷琰召補主簿宋太始初琰舉豫州叛明帝遣劉劬討之詳勸琰歸欵一州以全令新汲治有異

績遷湘州刺史善吏事爲百姓所稱累官侍中尚書右僕射

夏侯亶字世龍詳長子領安陸太守甚有威惠邊人悅服遷吳興復有惠政普通二年大舉北伐加使持節代裴邃與魏相距頻戰克捷降城五十二爲都督豫州等處五州軍事豫南豫二州刺史輕刑簿賦務農省役兵荒之後民戶充復卒諡襄

夏侯夔字季龍亶之弟以功封保城縣侯大通六

年爲豫州刺史積歲連兵人頗失業夔立堰溉田歲收穀百萬以充儲備兼贍貧人境內賴之民歌之曰我之有州賴有夏侯前兄後弟布政優優卒諡桓

夏侯道譙人仕元魏累封濮陽縣侯歷華瀛二州刺史爲政清嚴善禁盜賊卒贈雍州刺史諡曰明

唐

李紳字公垂元和初擢進士第短小精悍詩最有

名時號短李李錡鎮浙江辟爲從事錡寔不法數諫不聽會朝廷遣使召錡錡僞稱疾不應命令紳作疏紳佯怖不爲成章錡怒囚之錡誅或欲以聞謝曰本激於義非市名也乃止穆宗時召爲翰林學士爲李逢吉所排貶端州司馬徙江州遷滁壽二州刺史向霍山多虎採茶者病之置機穽發民捕射不能止紳至命去之虎不爲暴爲宣武節度使蝗不入境歷淮南節度使治尙剛嚴尋入相封趙郡公卒諡文肅

奚陟字殷卿其先自譙亳西徙故爲京兆人少篤志通郡書大曆間擢進士授弘文館校書郎德宗立以諫議大夫崔河圖持節使吐蕃崔表陟自副以親老辭不拜楊炎輔政召授左拾遺後居親喪極哀痛至毀瘠過禮朱泚反走間道及車駕於興元拜起居郎翰林學士不就職賊平歷轉左司郎中又遷中書舍人時江南淮西大水詔陟勞問循慰所至人人便安遷刑部侍郎京兆尹李充有美政裴延齡惡之誣劾充比陟贄數遺金帛當抵罪又乾沒京兆錢請付比部鈎校郎中崔元翰怨贄阿延齡撈掠甚急陟持平無所上下具獄上且言京兆錢給縣館傳餘以度支符用度略盡充乃免元翰恚死陟諱知吏部選事遷侍郎銓綜平允貞元十五年卒子敬立位左補闕

宋

曹穎叔字力之譙人進士及第歷夔州路轉運判官夔淫祠悉禁絕之累遷右司郎中陝西轉運

使自慶曆鑄大鐵錢民盜鑄不已穎叔請罷鑄諸郡鐵錢以三鐵錢當一銅錢從之進龍圖閣學士知未興軍

魯宗道字貫之譙人舉進士爲定遠尉真宗時爲論德上嘗使人召之方與鄉人飲于酒肆使者曰上訝來遲當何辭以對宗道曰卽以實對飲酒人之常情欺君臣子之大罪使者如其言上嘉其忠實爲右正言論列無所畏避真宗追念其忠題於殿壁曰魯直乾興元年叅知政事在

朝剛正疾惡遇事敢言貴戚用事者皆憚之曰爲魚頭叅政因其姓且言骨鯁也卒謚肅簡

魯有開宗道從子好禮學通左氏春秋以蔭知韋城縣尋知確山縣富弼薦之以爲有古循吏風知金州辯蠱獄之誣天方旱獄白而雨知南康軍代還時方行新法王安石問江南何如有開曰新法行未見其患當在異日也知衛州水災人乏食擅貸常平錢救與之且奏蠲其息徙冀州增隄明年河決水不爲患召爲膳部郎中官

至中大夫

張傳譙人進士及第真宗時知奉符縣累官工部侍郎出爲監司所至審核簿書勾摘姦隱州縣憚之傳曰奚爲憚我我所以事事致察者正所以愛州縣也吏不敢慢則州縣不復犯法矣人以爲然

張信臣字公立世居亳州授婺州浦江縣尉其長多貪黷憚其廉明遇大旱齋戒禱白石山三日而雨吏民以其精誠欲立祠于山側公固止之

再調亳州譙縣主簿秩滿改將作監丞知蘓州長洲縣鄉民多屠牛公禁之甚嚴一日有告牛死者曰不幸無以耕憂戚甚於喪男女也公察其詐遣吏入其家視牛有縛在喉猶未斃卽執之問罪由是民不敢欺丁父憂服闋除泗州招信縣濱淮盜賊及民之克悍無賴者聞公至戍逃遁境外遷大理寺丞改殿中丞通判遂州州民李十師以左道惑衆遠近患之信臣察其罪遂人以安瀘州清井監邊接群蠻歲苦抄掠命

本路鈐轄轉運使親視要害皆畏瘴癘不敢往
馳檄屬信臣時方盛暑信臣毅然往赴召會長
論以天子威德正其疆界數月壘成取卓望山
爲內地邊患遂絕子六復禮復圭爲殿中丞復
古復本復魯復公並舉進士

明

董策知山東城武縣改直隸邯鄲縣突有牛鬪入
堂上若有控者視之則被人折角也因被鬪人
而杖之令調治喂養角痊又有湯陰縣鬪牛以

數驢駝官銀過邯鄲被賊竊一驢去取其銀將
空驢逐回驢遂奔至縣中策心怪之令縱驢隨
所適果至賊家失驢者正哀號而銀已獲矣境
內蝗食禾稼策禱於神將欲捕瘞忽有大鳥數
千食蝗盡士夫交頌董君三異享壽九十卒於
家

趙亮由吏員除河間府慶雲縣典史督民耕織歲
荒捐俸買穀給貧以廉能賜衣褒獎陞崇仁縣
知縣息盜安民尋陞撫州府知府

王之屏字衛廷中萬曆戊戌進士授官司理清矯不阿巡使行事多取衷焉與經略熊廷弼甚投契嘗服其有才有守以疾卒於官

李國士字汝志號正屏萬曆丁丑進士令豐城以治最遷刑科給事中侍經筵疏論治河恤軍二事上可其奏故事省中有疏先白政府國士曰倘關白而有所撓將遂不言耶竟以是與政府左出爲浙東僉事遷隴右叅政討松山寇有功捷聞賜金幣進粵西總憲揚大中丞疏稱判如

山門如水蓋實錄也旋進右布政分守蒼梧時猺人跳梁議移兵以討國士曰一吏論之足矣果如言思明之役發兩省兵七萬命國士部署其事冒暑雨瘴癘兼程抵太平賊聞之氣奪乃諭以脅從罔治降者三萬四千人獻馘者千計威名大振進山右左布政凡藩祿邊餉積弊一清直指惡其抗直以議老歸嘗語諸子曰吾歷官三十年不敢枉一事未嘗私一錢不爲前人玷不爲後人危吾之願也其建立不及備載

國朝

黃陞字子納號攄白順治時由拔貢授河南項城縣知縣以廉幹著名旋陞四川茂州知州建文廟清糧餉減稅課在任七年致麥秀七岐之瑞聖祖仁皇帝獎諭曰實心撫愛百姓感召天和殊爲可嘉賜文錦以旌之後以老歸著有柳暑集北上吟等詩文行於世

孫士賢字軼凡康熙四十年以諸生知直隸撫寧縣首建義學興利除弊邑南有蘆峯口驛治東有榆關驛俱額設馬五十匹路當衝要不敷供應舊例照里派帮民甚苦之士賢至始則捐貲辦理復詳籲上憲各增驛馬四十匹勒石郵亭其他禁雜徭減耗羨有益民生者皆極力爲之以目疾請休士民泣送境外

顏光旰亳州人康熙庚辰武進士由侍衛任龍江關游擊捐貲設立里仁會以助兵民婚喪之無力者又建書院課兵民子弟陞廣東春江副將值歲飢有司以未奉上檄不便開倉旰力擔平

羅陞福寧鎮總兵陳奏保甲指掌冊營中設立
儲倉二事下督撫行之卒於官

武功

亳近中州爲古來用武之地且風氣剛勁人多
智謀勇決將帥之才往往出焉故武功多可紀
云

漢

虞詡字升卿陳國武平人祖父經爲郡縣獄吏案
法平允嘗曰于公高里門而子定國至丞相吾

決獄六十年矣雖不及于公其庶幾乎末初四
年羌胡殘破并涼大將軍鄧隲欲棄涼併力北
邊詡言於太尉張禹曰涼州旣棄卽以三輔爲
塞園林單外此不可之甚者也禹從其言更
四府皆從其議隲惡之欲中以吏法值朝歌戍
甯季等攻殺長吏以詡爲朝歌長故舊皆忌之
詡笑曰不遇盤根錯節何以別利器此吾立功
之秋也到官設三科募壯士收得百餘人使入
賊中誘賊劫掠乃伏兵以待之遂殺賊數百人

又潛遣縫者備作賊衣以采線其裾爲識賊有
出市里者吏輒擒之賊由是駭散遷武都太守
賊率衆遮詡於陳倉峭谷詡日夜進道兼行百
餘里令吏士各作兩竈日增倍之敵不敢逼或
問曰孫臏減竈而君增之兵法日行不過三十
里而今且二百里何也詡曰敵衆多我兵少於
行則易爲所及速進則彼不測敵見吾竈日增
必謂群兵來迎衆多孫子見弱吾今示強勢有
不同故也令軍中使強弩勿發而潛發小弩充

以矢力不能至并兵急攻詡使二十強弩其射
一人發無不中羗大震退明日悉陳其兵衆令
從東郭門出北郭門入貿易衣服回轉數周羗
不知其數更相恐動詡計賊當退乃潛遣人於
淺水設伏候其走路羗果大奔因掩擊大破之
郡遂以安又復開漕船道燒石剪木水運通利
鹽米豐賤十倍於前

按陳國武平今河南鹿邑非亳也姑從舊志
存之

魏

曹仁字子孝操從弟少好弓馬弋獵操破袁術攻
 陶謙征呂布平黃巾迎天子都許仁數有功拜
 廣陽太平操器其勇畧不使之郡嘗從操圍壺
 關操令曰城破皆坑之連月不下仁曰圍城必
 示之活門所以開其生路今告之必死將人自
 為守非良策也從之城遂降錄仁前後功封都
 亭侯

曹洪字子廉武帝從弟武帝起兵討董卓至滎陽
 為卓將徐榮所敗武帝失馬賊追甚急洪下馬
 授武帝曰天下可無洪不可無公與武帝還奔
 譙封明亭侯

曹彰字子文文帝同母弟也負絕力手格猛獸太
 祖每抑之嘗問諸子所好彰曰好為將太祖曰
 為將柰何對曰披堅執銳為士卒先賞必行罰
 必信太祖大笑北征烏桓身自搏戰乘勝逐北
 一日夜追至桑乾大破之後歸報太祖持彰鬚
 曰黃鬚兒大奇文帝即位立為任王

曹休字子烈武帝族子年十餘歲携母渡江至吳
武帝舉義兵乃易姓名間行北歸武帝謂左右
曰此吾家千里駒也文帝時以休爲征東大將
軍擊吳將呂範於洞浦破之拜揚州牧明帝時
封長平侯

曹真字子丹武帝族子少姑收養與諸子同使將
虎豹騎屢立戰功文帝寢疾與司馬懿受遺詔
輔政明帝卽位遷大司馬真少與宗人曹遵鄉
人朱讚並事武帝遵讚早亡真感之乞分所食

邑封遵讚子詔曰大司馬有叔向撫孤之仁篤
平仲久要之分聽分真邑賜遵讚子爵關內侯
真每征行與將士同勞苦軍賞不足輒以家財
頒賜士卒皆願爲用薨謚元侯

許褚字仲康譙國人長八尺餘勇力絕人嘗一手
逆曳牛尾行百餘步漢末聚少年及宗族保鄉
里魏武徇淮汝褚以衆歸魏武壯之曰此吾樊
噲也卽日拜都尉引入宿衛從征討韓遂馬超
有功遷武平衛中郎將軍衆以褚有力而癡稱

爲虎癡性謹奉法質重少言文帝踐祚遷武衛將軍督宿衛禁兵封牟鄉侯諡曰壯褚所將虎士後以功封侯校尉者百十人皆聚保時之劍客也

夏侯淵字妙才惇族弟從武帝征討有功拜征西將軍博昌亭侯守漢中爲先主所襲戰死諡曰愍

晉

丁紹字叔倫譙國人累官寧北將軍假節監冀州

諸軍事自以才雄視天下之事若運於掌慨然有董正四海之志末嘉二年暴疾卒曰此乃天亡冀州豈吾命哉懷帝策贈軍騎將軍

桓冲字幼子夔第四子温之弟也最淹識有武幹温甚器之温卒冲代温居任盡忠王室時謝安以時望輔政爲群情所歸冲懼逼乃求外出自京口遷鎮姑熟又遷上明累破苻堅有功初冲之西鎮謂將相異宜自以德望不逮謝安故委之內相而四方鎮捍以爲已任旣而苻堅舉國

南下冲深以京師根本爲慮乃以精銳三千入
援時安已遣兄子玄及桓伊等諸軍謂三千人
不足爲損益使還冲歎曰大敵垂至而遣不經
事少年衆又寡弱吾其左衽矣俄聞堅大敗因
慙失言發病而卒

隋

樊叔畧南陽湖陽人周大夫樊仲山甫之後也祖
爲南兖州刺史因家譙國之小黃縣少事周太
祖授都督襲爵阿陽侯又事周大象宰晉國公

除園苑總監從平東夏自晉至鄴每有軍功授
上開府清鄉縣開國公又除汴州刺史更滿還
朝除洛州營構副監時賊帥宇文成獨孤讓等
來逼州城叔畧三令五申應時殄滅以功授大
將軍仍除相州刺史隋受命榮顧逾重開皇元
年代陳除水軍總營又追還相州進爵安定郡
開國公尋除大司農卿從駕至洛陽多所統攝
隨方剖斷酬應如響十四年十月卒於洛陽歸
葬譙之舊茔諡曰襄

後梁

張存敬譙郡人剛直有膽勇事梁太祖為行營都
 指揮使攻滄州敗劉仁恭於老鴉隄還攻王鎔
 於鎮州入其城取牛馬萬計復攻幽州取其瀛
 莫祁景四州攻王珂於河中下晉絳二州珂降
 於梁遷宋州刺史卒贈太傅

徐懷玉亳州焦夷人事梁太祖為將勇於戰陣秦
 宗權攻梁壁懷玉以輕騎連擊破之又從太祖
 攻兗鄆破徐宿金剗遍體戰必克捷所得賞賚

分散士卒為梁名將本名琮太祖賜名懷玉歷
 曹晉二州刺史累官保大軍節度使後太祖崩
 朱友謙附于晉襲鄜州被執而死

明

楊縉祖籍湖廣大治人七世祖楊義於永樂五年
 調任武平衛左百戶縉襲職世居亳州衛任中
 武進士累以軍功陞授總兵仍世襲百戶

國朝

劉忠順治戊子武舉人授亳州千總署宿州守備

奉勦六安霍邱土寇張復還等屢著軍功隨陞
鄆城守備勦榆園土寇又隨使西域後以親老
歸養

楊履道字中長江南武平衛人勤學工文章試未
售年二十二歲順治二年由 豫王考試平南
策取中將材第一筭委蕪州守備隨征江南解
圍周庄勦殺海寇補撫標右營中軍續調恢復
湖南廣西開闢雲貴大小五十餘戰積有功勛
歷任北直懷來叅將復以福督姚楊合題有才
力兼優熟悉邊海事宜之語陞授福建延平府
副將征勦山寇積勞成疾卒于任所子四次光
斗庚戌武進士

楊光斗字天彩康熙庚戌科武進士隨征閩疆積
有戰功部推左都督仍帶加一級餘功七次管
湖廣衡州衛掌印守備事裁缺再補江南金山
衛卒於任所

忠烈

忠烈者天地正氣所鍾其人本有血性時窮而

節見焉或直諫犯顏而見諒於明主總之不惜死而非有冀倖也千載下誦其事猶凜凜有生氣云

晉

稽紹康之子事母孝累官至侍中會河間成都二王舉兵犯闕紹從惠帝與王戰于蕩陰侍衛皆潰惟紹以身捍衛遂被害血濺帝衣事定左右欲浣衣帝勿許曰此稽侍中血也

丁穆字彥遠譙國人積功勞封真定侯爲順陽太守苻堅寇順陽穆戰敗被執至長安稱疾不仕堅又傾國南寇穆與關中人士倡義謀襲長安事泄遇害

桓彞譙國人漢桓榮九世孫性通朗早獲盛名仕爲遼道令累遷尚書吏部郎後爲宣城內史蕪峻之亂彞聞慷慨流涕進屯涇縣其長史裨惠勸與通和以紓禍彞曰吾受國厚恩義在致死焉能忍垢蒙辱與醜逆通問如其不濟此則命也遣將軍俞縱守蘭石峻使將韓晃攻之縱將

敗左右勸縱退軍縱曰吾受桓侯厚恩本以死報吾之不可負桓侯猶桓侯之不負國也遂力戰而死晃因進軍攻彘彘固守經年勢孤力屈城陷為晃所害有五子冲最賢

金

王賓字德卿亳人貞祐二年進士由虹縣令入為尚書省令史以復亳州功授同知集慶軍又詔行六部尚書事仍賜世爵後以軍食不給為部曲所害臨難時毅然不屈曰但殺但殺不汝從

也生平工於詩

元

曹彥可至正間妖賊起里中皆不知書群趨彥可家以刀斧迫令寫旂彥可唾曰我儒者知有君父豈能為汝寫旂耶遂遇害事聞諡節愍

明

李恂字恪如洪武初舉人擢兵科給事再遷吏科給事望重一時以交趾背叛群僚咸舉恂為大總戎帥師入蜀以征不庭後永樂入都踐祚恂

痛建文被篡勒兵於蜀及末樂勅諭招之卽自縊使者反命文皇曰此真忠孝雙全者也崇祀鄉賢

周應禎武平衛副千戶武定人父昇於正德元年調入本衛昇死應禎襲職居亳中武進士陞正千戶又陞浙江都司嘉靖三十三年倭寇犯杭州應禎募邳亳義兵四百五十名趨海寧截殺斬首二百餘生擒一頭目乘勝追至黃山群寇突出四面圍攻應禎督衆力戰被劄而亡都御

史起題奏加贈本衛指揮僉事世襲並立祠祀之

元世宗高曆壬子舉人流寇至亳脅之從叱曰吾登賢書委身於國豈肯作賊賊怒殺之並及其子

孝友

孝弟者人之本紀人物者重焉所謂孝者必不失其身以事其親而愛慕之心久而彌篤始謂之孝不幸父母有疾醫禱二事外無所用其力

至于割股剖肝毀體傷親不可爲孝前人論之
詳矣乃未聞大道者一念之誠其愛親未嘗不
至猶不失爲愚孝焉又舊志所載割股廬墓諸
條並不及其平日之立身事親若何恐不無以
僞亂真之弊而削之則失與人爲善之心故仍
錄之而後來者亦得以例附入云

後漢

韓伯俞城父縣人嘗有過母笞之泣母曰他日笞
汝未嘗泣今泣何也對曰他日笞常痛今母之

力不能使痛是以泣也郡人稱其孝立祠祀之

祠在義門集西

唐

朱仁軌字德容隱居養親嘗誨子弟曰終身遜路
不枉百步終身遜畔不失一段有赤烏白鵲棲
所居樹詔表其異及卒郭山員半千魏知古共
謚爲孝友先生

朱敬則字少連仁軌弟以孝義世被旌顯一門六
闕相望敬則志尚恢博好學重節義高宗聞其

名召見除右補闕武后時開告密羅織之路張
易之構魏元忠張說欲誅之無敢言者敬則獨
奏曰元忠張說皆秉心忠一而所坐無名殺之
失天下望乃得不死後刺廬州代還無淮南一
物所乘止一馬子曹步從以歸卒年七十五

梁

張仁愿存敬子有孝行父卒事其兄仁穎出必告
反必面如事父然始終不弛曉法令官大理卿
卒贈秘書監

元

劉通亳州譙縣人家貧業農母卜氏失明無以爲
娛惟好聲樂通常召歌者至或自歌以悅母復
斷酒肉日夜禱於神求母復明歷三十年不懈
母年八十五目忽復明咸以爲孝感所致
李清李義世之子孝行卓異前代旌表其門有匾
在城東百餘里尙存

郭成以孝行著年七十一值母喪食粥廬墓一年
朝夕哭臨不以老而替

明

成綱武平衛人居母喪結廬墓側日負土增塚高至丈餘墓木生連理枝廬中有青蛇出入馴不傷人成化十二年旌表其門賜冠帶弘治五年詔賚粟帛

楊昇武平衛百戶清之次子清卒昇結廬墓側蔬食三年親負土培墳高至丈餘黃河水溢漸至廬陡然自豁社燕結壘于廬成化十九年旌表其門賜冠帶弘治五年詔賚粟帛

王矩武平衛人歲貢生浩之父也好讀史書母羅氏終結廬墓側冬不衣絮夏不揮扇負土培墳植樹成林內有棠榆生連理三枝蛇兔馴遠墓側雖服闋猶衣縞蔬食弘治三年旌表其門賜冠帶五年詔賚粟帛年六十八而卒葬後一年庚申其墓側產紫芝一莖人以為孝感所致顧元教諭顧騰之子為州庠生父疾篤潛割股療之乃愈父卒廬墓三年提學陳選褒嘉之

董懋本州坊廓人知縣策之子策卒懋廬墓三年

負土培墳

李福信大吉鄉人母張氏病久不愈乃潛剖左腋
割肝一葉以療之即愈創痕不數日平復一時

傳異

吳裕武平衛人事母孝及母李氏卒結廬墓側蔬

食至老

懷成武平衛百戶事母孝年二十三歲時母蔣氏
久病不痊乃割左臂療之得愈

尚清武平衛人弘治七年同兄尚源尚澄弟尚洪

將父所遺產立券分析十年後清得產充拓致
富念母猶存復與各弟兄合爨同居將前所立
分券對衆焚之士大夫稱美焉

田松田鉞武平衛人弘治四年父命分析家產各
守其業十七年兄弟焚其舊券仍合產同居

張芳毫庠生守貧養親母亡廬于墓側終歲哀泣
次年秋病篤妻子入問不許遂卒於墓所

張才廣大吉鄉人母任氏疾篤割股療之以愈

郭鑑武平衛人父郭整卒廬于墓側所過憐其孝

多以蔬菜餽之

丁德本州長安里人事母曹氏極志盡孝母七旬病篤德晝夜焚香泣禱願以身代夢神教以誦皇經而愈後母又病思食鮮磨姑時值隆冬不可得因泣禱於經室前院遍地勃生大者長尺餘遂羹以奉母母至九十餘而終

王以翰廩膳生幼孤食貧事母以孝聞有才畧時修亳城贊理有功閣部史可法聞其才徵而用之署叅軍監修楊州城多殊績加兼軍道銜後

任主簿居官廉潔以養親歸里親終廬墓三年段崙亭庠生父段瑄卒廬墓三年

王德新明季諸生割股愈父疾

趙昂武平衛人父邁疾篤潛割股療之四年疾復篤復割股以治又延四年

增生李心唯與子廩生李之果居北關崇禎八年闖賊攻亳心唯泣守母喪不肯離柩他避賊騎突入心唯抗不受屈賊殺之果見父及於難奮力擊賊賊又殺之父以麟經著名一旦同爲

親殉難聞者哀之

周永祚周汝德之子祚母早卒事父孝同榻二十餘載父老不能行時負之出入家甚貧竭奉甘旨娛親及卒拮据營葬廬于墓側供獻如生時居廬二載以疾卒未幾寇至不見兵革之慘

李猶龍李如龍其祖兄弟俱州庠生流賊攻入北關猶龍守親柩不忍離惟賦詩誌悲賊壯之復以義責賊賊怒加刃引頸受之如龍因賊執其母奮力擊賊賊殺之一家皆被害

上朝

李長桂字漢宮武舉人廷學之子生母朱氏早亡撫育於繼母魏氏繼母亡廬墓三年墓側穀秀兩岐仙禽翔舞士大夫稱其孝乾隆元年舉孝廉方正保題時旋卒乾隆四年旌表孝子建坊入祠有註釋孝經及烏吟集